



Broj: 02-02-1-612-2/23
Sarajevo, 09.06.2023.

N/r – direktora

PREDMET: Poziv za učešće u izlaganju bh. kompanija na štandu Vanjskotrgovinske/Spoljnotrgovinske komore Bosne i Hercegovine na sajmu PROWEIN 2024

Dizeldorf – Njemačka; (10. - 12.03.2024.)

Poštovani / a,

Obavještavamo Vas da Vanjskotrgovinska / Spoljnotrgovinska komora Bosne i Hercegovine (VTK/STK BiH), organizuje nastup proizvođača vina i alkoholnih pića iz Bosne i Hercegovine na sajmu PROWEIN 2024, koji će se održati u periodu od 10. – 12.03.2024. godine, u Dizeldorfu (Njemačka).

Sajam ProWein je najveći i najrelevantniji događaj u svijetu vina i alkoholnih pića. Od svog prvog izdanja 1994. godine, ProWein okuplja vodeće svjetske proizvođače vina i alkoholnih pića, a sa strane posjetilaca nezaobilazan je za distributere, ugostitelje, hotelijere, malopradavce, enologe i vinske eksperte. Visok internacionalni karakter sajma izdvaja ProWein od drugih sajmova ove branše. Pored toga, ProWein karakteriše bogata i raznovrsna ponuda pratećih događaja. Posjetioci u Dizeldorfu imaju priliku da uživaju u degustacijama i prezentacijama.

Na prethodnom ProWein 2023 predstavilo se više od 6.000 izlagača iz preko 60 zemalja u 13 izložbenih hala, a registrovano je 49.000 stručnih posjetilaca iz 141 zemlje.

Manifestacija traje ukupno 3 dana tokom kojih se organizuje i veliki broj foruma, konferencija, sastanaka, prezentacija proizvoda i usluga, kao i promocija najnovijih trendova i inovativnih rješenja u segmentu vinske i alkoholne industrije.

VTK/STK BiH planira zakupiti prostor od 70 m² za potrebe predavljanja i izlaganja bh. kompanija iz oblasti proizvodnje vina i alkoholnih pića. Zakup i opremanje prostora za potrebe promocije bh. proizvođača vina i alkoholnih pića na sajmu finansira Vanjskotrgovinska / Spoljnotrgovinska komora Bosne i Hercegovine.

S tim u vezi, VTK/STK BiH, kao glavni izlagač, dužna je izvršiti registraciju kompanija - suizlagača iz Bosne i Hercegovine na PROWEIN 2024.



Troškovi koje snosi Vanjskotrgovinska/Spoljnotrgovinska komora BiH su:

- Dio troškova **zakupa prostora**;
- **Ukupni troškovi uređenja štanda BiH (dizajn, izgradnja, transport i montaža štanda)**;
- **Obavezni unos u katalog izlagača - Messe Dusseldorf (u iznosu od 299,00 EUR po firmi)** za sve izlagače bh. štanda;
- **Logistika na štandu** (struja, čišćenje, osvježanje – voda, kafa, sokovi, grickalice..);
- Troškovi **pripremnih i marketing aktivnosti**.

Troškovi koje snose bh. kompanije:

- **Učešće u troškovima zakupa neuređenog prostora u iznosu kotizacije od 4.000,00 BAM + PDV (17%).**
- **Troškovi putovanja i hotelskog smještaja** za svoje predstavnike;
- **Troškovi transporta i špedicije svojih eksponata** do Dizeldorfa i nazad.

Kriteriji za učešće kompanija:

- Kompanije koje imaju iskustvo u izvozu i zapošljavaju barem jednu osobu koja aktivno govori engleski jezik;
- Kompanije koje su izvozno orijentisane na tržište EU i odgovaraju adekvatnim kvalitetom proizvodnje;
- Kompanija je izmirila finansijske obaveze proizašle iz prethodnih nastupa na sajmovima koje je organizovala VTK/STKBiH i pokazala je profesionalan pristup prilikom ranijih izlaganja (razmjena informacija o rezultatima nastupa sa organizatorom, korektan odnos prema ostalim izlagačima na kolektivnom štandu, i sl.);
- Firma je aktivni član VTK/STKBiH (redovno izmiruje obaveze plaćanja članarine u skladu sa članom 22. i 23. Zakona o VTK/STK BiH „Službeni glasnik BiH“, broj: 30/01 i 72/13);

Selekcija učesnika

Zainteresovane kompanije koje do naznačenog roka dostave popunjenu Prijavu učešća i potpisan Sporazum o uslovima izlaganja na štandu BiH, ulaze u proces selekcije i biće rangirane prema gore navedenim kriterijima učešća. Firme koje uđu u uži izbor biće kontaktirane i, po potrebi, projektni tim će tražiti dodatne podatke (npr. fotografije proizvoda) i/ili organizovati posjetu firmi.

Ukoliko je Vaša kompanija zainteresovana da učestvuje u izlaganju na PROWEIN 2024, molimo Vas da popunite priloženi **Prijavni formular**, kao i **Ugovor o regulisanju obaveza**. Takođe, obavezno je da Vaša kompanija ima izmirene sve dosadašnje obaveze prema VTK/STK BiH, te da uredno plaća svoju članarinu.



Molimo da u dostavljenom Ugovoru unesete tražene informacije o svojoj kompaniji, potpišete i ovjerite Ugovor u 4 primjerka, te da isti uz Prijavni formular dostavite na slijedeću adresu:

Vanjskotrgovinska/Spoljnotrgovinska komora Bosne i Hercegovine

Branislava Đurđeva 10; 71 000 Sarajevo; Bosna i Hercegovina.

Rok za dostavu navedenih dokumenata je **ponedeljak, 26.06.2023.godine.**

Pored dostave tražene dokumentacije na adresu Vanjskotrgovinske komore Bosne i Hercegovine, a radi brže obrade podataka, molimo Vas da iste skenirate i prosljedite i na e-mail: stanislava.perisic@komorabih.ba .

Kontakt osoba za dodatne informacije o učešću na sajmu je Stanislava Perišić, stručni saradnik u BHEPA-i (e-mail: stanislava.perisic@komorabih.ba i tel: 033 566 242) i Darko Pehar, sekretar Grupacije proizvođača vina BiH (e-mail: darko.pehar@komorabih.ba i tel: 036 333 651).

Očekujući Vaš pozitivan odgovor, ostajemo

S poštovanjem,



Prilozi:

- Prijavni obrazac
- Sporazum

